

濂

溪

志

濂溪志卷之二

濂溪先生墓誌銘

吾友周茂叔諱惇願其先營道人曾祖諱從遠祖諱
智強皆不仕考諱輔成任賀州桂嶺縣令贈諫議大
夫君幼孤依舅氏龍圖閣學士鄭珣以君有遠器愛
之如子龍圖公名子皆用惇字因以惇名君景祐中
奏補試將作監主簿授洪州分寧縣簿君博學力行
遇事剛果有古人風衆口交稱之部使者以君為有
才奏舉為安軍司理參軍轉運使正德以第者為下

吏無敢

者君與之辨事小為屈因置手版

取誥

勅納之授劾而去達為之改容復薦之移郴令改桂
陽令皆有治績用薦者遷大理寺丞知洪州南昌縣
其為治精密嚴恕務盡道理民至今思之改太子中
書簽判覃恩改虞部員外郎通判永州今上即位恩
改駕部趙公朴入參大政奏君為廣南東路轉運判
官稱其職遷虞部郎中提點本路刑獄君盡心職事
務在矜恕雖瘴癘僻遠無所憚勞竟以此得疾懇請
郡行知南康軍未幾分司南京趙公朴復奏起君而
君疾已篤熙寧六年六月七日卒于九江郡之松第

太平人羅君名斗字汝南家銅仁其先高安人何君
名守拙字子工簡州人三君者于風教固殷其不窳
事與民莫不稱良云余既謝病治農不與聞激揚事
乃為作頌頌曰道國甫甫春陵顛顛月岩瀕水樓田
之宮五星奠隩左旁右龍縮結九疑羽翼祝融是日
嶽降篤生元公逖邈精一近嗣中庸炳幾握要無欲
為功施之公溥中實明通至理溢焉奚必外窮三綱
九法以叙以從既殊寂滅亦異玄同闢天開地如夜
斯瞳啓程夫子如日斯中公騰帝右攸里攸空後幾
百祀化為剌蓬狐兔僂僂鹿攸叢肉食者鄙疇哉

是崇顯顯三君祗焉揚業趙公既唱三君同風五峯
之栢三涪之松是斷是度是作是封荒忽奮蔚會朝
穹落枚枚寢廟神罔時恫皇皇講堂趨者雍容春祀
秋嘗子孫擬擬士者之來迺繹迺宗斯文之起繇繫
繇際匪自二君疇哉是功外無窳政內為道忡倬倬
礪礪頌辭匪豐

賦

吟風弄月臺賦

成化十七年

蕭子鵬

繫斯理之沕穆兮賦我自天維斯道之顯晦兮啓我
孰先粵宣父之繼聖兮有顏其賢微濂溪之默契兮

殆泯厥傳慨餘緒之不續兮千五百年信授受之不
偶兮維時適然彼道有川秀連衡嶽文運斯南雄公
有作涵德美以自潤兮純也無駁發精秘以示人兮
博也斯約匪光風霽月之迥潔兮曷擬襟度之灑落
司理是州厥蘊孰覺匪太中之卓識兮將二子其烏
託顧兩程之速肖兮真有得夫孔顏之所樂欣吟風
弄月以式歸兮興有溢乎廖廓遡厥源兮洙泗振洪
波兮濬洛道有擴於前聖教允淑於來學茲按故治
遺址既蕪搜餘蹟以存誌考格言而示謨載墨履土
載崇厥廬嗚呼江山如故風月不渝秉至理兮孰與

覺舍先哲兮吾誰徒覲。撫肱而飲水。試浴沂而風雩。
揆茲趣之各適。蓋異世而同符。光風霽月。湛乎大虛。
吟風弄月。樂其與俱。本体斯具。無外虧也。隨處而克。
行以舒也。以清以和。一氣噓也。以明以澈。纖翳祛也。
儕造物以共游。貌勢利而不拘。困與萬物而俱寂。達
與萬物而咸蘇。庶乎特立以無我。不知真樂之在吾。
卓有賢守。率懷至德。想過化以存神。莫漸民而有澤。
顧小子以式游。獲登臺而再謁。論誠立以明通。斯靜
虛而動直。維俗無陋。維賢是則。安知斯土而非賢域。
會有景仰於風流。不意心領而默識。

辭

蕪溪辭

豫章黃庭堅

溪毛秀兮水清可飯羹兮濯纓不漁民利兮又何有
於名絃琴兮觴酒寫溪聲兮延五老以為壽蟬蛻塵
埃兮玉雪自清聰潺湲兮鑿澄明激貪兮敦薄非青
蘋白鷗兮誰與同樂津有舟兮池有蓮勝日兮與客
就閑人聞擘音兮不知何處散髮醉高荷為蓋兮倚
芙蓉以當妓霜清水冷兮舟着平沙八方同宇兮雲
月為家懷連城兮佩明月魚鳥親人兮野老同社而
爭席白雲象頭兮與南山為伍非夫人棲臂兮誰予

敢侮

度營川之修梁兮通其瀕而走西路平原之瀟迤兮
容飛蓋而並馳行將半於一舍兮折而涉于荒蹊林
漸開而阜斷兮隱隱聞乎犬鷄亟引鞭而前望兮萃
或瓦而或茨逢翁問之奚所兮翁告予以瀟溪閩民
氏而皆周兮本其系之為誰伊茂叔之故家兮自鼻
祖而占茲後昆出於兵燹兮逢桓淪於牛衣詎先生
之所復兮已乎莫之知也從先生之已遠兮曷慰乎
我之思也雲山直鎮而崇崇兮豈絕塵之安乎泉不激

原缺

詩

瀟溪謁周虞部

李大臨

簷前翠嶺逼嵐山門掩寒流盡日閒
我亦忘機淡榮利喜君高躡到松關

茂叔先生瀟溪詩呈次元仁第

蘇軾

世俗眩名實令人疑有無
怒移水中蟹愛及屋上烏
坐令此澗水名與先生俱
先生本全德燕退乃一隅

因拋彭澤米偶似西山夫遂即世所知以為溪之呼
先生豈我輩造化乃其徒應同柳州柳聊使愚溪愚
山北紀行二首

予以辛丑閏三月二十七日罷南康郡四月
六日拜瀟溪先生書堂遺像子澄請為諸人
說大極圖義先生之曾孫正卿彥卿玄孫濤
為設席于光風霽月之亭 朱 熹

北度石塘橋西訪瀟溪宅喬木無遺株厓堂唯四壁
疎澹德容眸晚薦寒流碧幸矣有斯人渾淪再關

平生勞仰止今日登此堂願以圖象意贊之巾几傍

先生寂無言
賦子涉泗滂
神聽儻不遺
惠我思無

愛道

朱熹

聞道移根玉井傍
開花十丈是尋常
月明露冷無人見
獨為先生引興長

留題濼溪書堂

度正

千載斯文儻可求
暮春春服共行遊
向人魚鳥都和樂
滿眼溪山只恁幽

留題濼溪書堂

度正

維莫之春萬象都
望花尋柳過溪居
一源流水元清潔
幾片浮雲自卷舒
猶對高山吟景行
細看芳草訂

遺書可憐魚鳥渾無意相向欣欣總自如

濂溪識行

睢陽魏嗣孫

分得廬山水一溪濂名萬古合昭垂
光風霽月依然在肯與人間較盛衰

濂溪雜詠二首

潘之定

當年太極揭為圖萬有皆生於一無
動靜互根誰是主試於靜處下工夫

濯纓潭上少徜徉手把通書四十章
除却誠通與誠復更無一事可商量

題濂溪

天台林煥

我來瀟溪拜夫子馬蹄深入一尺雪長嗟豈惟溪泉
灑化得草木皆清潔夫子德行萬古師坡云康退乃
一隅有室既樂賦以拙有溪何減名之愚水性本清
枕則濁人心本善失則惡安得此泉變作天下雨飲
者猶如夢之覺

題瀟溪先生書堂二首

柴中行

有生同宇宙所欠好江山因自春陵至留居廬阜間
斯文傳墜緒太極妙循環希聖誠何事懷哉伊顏

出城三四里矯首愜遐觀頓覺市聲絕所從天宇寬
康山書几淨溢浦硯泓寒一誦愛蓮說塵埃百不干

謁元公祠

豫章熊昱

湖阜金事

菊天冒雨謁華祠官旆飛雲集碧墀
堂構營濱崇廟貌道傳伊洛遠
宗師池蓮屋後青猶在庭草窓前翠
未移不是先生心自得何由千載緒歌斯

愛蓮亭

熊昱

淨直亭亭日媚人水生花草發天真
圓圖翠葉團團象太極珠方顆顆勻
蕙苗花開紅似綺淤泥藕切白如銀
元公探贖心先得妙契陰陽萬物春

愛蓮亭

建安黃仲芳

湖藩茶議

闌干十二俯清流霽月光風景趣幽
簾動水晶銀兔

濕香浮書幌，藕花秋圖傳。太極探羲書，學究天人繼。
孔丘景行高山懷，仰止斯文三復賴餘休。

愛蓮亭

京口盛祥道州

為愛軒亭瞰碧流，花開香遠益清幽。銀潢冷浸三更
月，翠蓋涼生九夏秋。玩物適情探太極，臨流體道契
尼丘。高情雅况誰能識，百世斯文仰未休。

送周翰博榮歸

淮南高毅大學

輦書遠詔來京國，內翰榮除拜。

御筵太極一圖明，至理仍孫千載紹。前賢詩書繼業逢，
昭代冠冕榮鄉屬。妙年歸讀遺書息，祖訓寸心應在

五雲邊。

贈周翰博榮歸

豐城黃俊檢討

濂溪有神烈祖挺生不由師傳默契道疑太極圖說
手授二程通書文約道大義精誠立明通名宗範亭
洪南令尹九江道鳴光風霽月底草交青從祀孔廟
道貫六經

聖朝崇德象賢嗣興勅封博士衣錦歸榮在朝卿士都
門餞行風飄衣兮御香馨馨光衝衡嶽炫耀洞庭鄉
邦瞻美鳳凰景星箕承祖武勿失其誠爵傳萬世炳
耀鏗鐃

郡判官廳公事益梓鄰路也沂沅赴局過渝州越三
舍接巴川境川有湫泉佛寺儀舟進覽忽覩榜詩乃
推官之作喜謄讀訖錄本納于轉運公公復書重謝
且曰頽刻一石若蒙繼以短序尤荷厚意故存於詩
後而命工刻石置寺之堂焉實嘉祐二年正月十五
日云承奉即守太子中舍兼署合州軍事判官廳公
事周惇實撰

邵州遷學釋菜文

惟夫子道高德厚教化無窮實與天地參而四時同
上自國都下及州縣通立廟貌州守縣令春秋釋奠

雖天子之尊入廟肅然行禮其重誠與天地參焉儒
衣冠學道業者列室於廟朝夕瞻瞻睿心百恭至德
幾於顏氏之子者有之得其位施其澤及生民者代
有之然夫子之宮可忽歟而邵置於惡地掩於衙門
左獄石成穢喧歷年悖順攝守州符嘗拜堂下慄汗
流背起而議遷得地東南高明協卜用舊增新不日
成就彩章冕服儼坐有序諸生既集率僚告成謹以
禮幣藻頌式陳明薦以充國公顏子配

維治平五年歲次戊申正月甲戌朔三日丙子朝奉
郎尚書駕部員外郎通州永州軍州蕪管內勸農事

會稽韓陽湖泉副使

欲知先哲用工夫都在通書太極圖道學源流宗孔
孟師儒傳授賴程朱庭存芳草新生意像設光風舊
範摸天相斯文如復起振趨便擬作門徒

讀濂溪考亭二先生年譜二首

新會陳獻章

千年幾見南康老嘆息人間兩譜開但使乾坤留一
緒聖賢去後聖賢來一語不遺無極老千言無倦考
亭翁語道則同門路別教君何處覓高踪

謁元公

金陵沈鍾湖泉副使

此州故以道為名天降斯文乃誕生百里山環鍾問

氣五生奎聚肇文明挽回有宋追三代合配宣尼奠
兩楹志學伊顏真妙語迂踈頗解繫真情

東溪沈慶

湖泉副使

觀風來謁廟獨上愛蓮亭池絮荷逾綠庭幽草自青
道傳由黜契圖著寓流形千載斯文幸披雲覩景星

咏濂溪圖學二首

餘姚王守仁

一竅誰將混沌開千年撲子道州來須知太極原無
極始信心非明鏡臺

始信心非明鏡臺須知明鏡亦塵埃人人有個圓圈
在莫向蒲團坐死灰

過萍鄉謁瀟溪祠二首

王守仁

木偶相沿恐未真，清輝亦復凜衣襟。
簿書曾屑乘田吏，俎豆猶存畏壘民。
碧水蒼山俱過化，光風霽月自傳神。
千年私淑心喪後，下拜春祠薦渚蘋。

曾向圖書識而真，半生常自愧儒襟。
斯文久矣無先覺，聖世今應有逸民。
一自支離乖學術，競將雕刻費精神。
瞻依多少高山意，水漫蓮池長綠蘋。

題瀟溪

金華戚昂

一派瀟溪日夜流，滔滔東逝幾時休。
須知此水同天地，天地窮時是盡頭。

濂溪祠

郡人孟春教諭

我愛濂溪水祠前晝夜流散分泉下眼聚向海東頭
潦盡天光發煙消日色浮箇中含至理會得始無憂
謁周夫下

六籍言湮道失傳先生聞道性諸天圖開太極追前
聖教闡通書啓後賢庭草近窓春有色池蓮入味思
無邊自後伊洛相承後文運亨嘉不計年

憶元公

郡人周縉推官

荆楚何人獨禮名春陵周子應時生淵源道學由心
得灑落襟懷共月明庭草翠深涵几席池蓮香遠護

軒楹斯文仰德頻伸敬一酌椒漿萬古情

嗣孫周冕

翰林
傳七

度越諸儒擅大名五星奎聚應期生遺容百世起瞻
仰絕學千年賴闡明元宋褒封崇上爵孔顏從祀侑
東楹圖書包括天人蘊誰謂言詞不盡情

題月巖

周冕

宋家天子受周禪曆數相承逾百年乾德雍熙迨天
聖端拱無為統緒傳五星奎聚文明兆我祖應期生
營道來歌來遊於斯巖仰觀造化生成妙闡圖著書
授二程不載絕學晦後明

聖朝崇重恩，垂後錫爵。詞林奕世榮，我今幸接其鴻。
翼登臨此境，長興喟遺踪。想像宛如昔，百拜謹刊巖
石誌。

月巖

邵人蔣忠舉人

一竅通大月，出初陰陽。動靜兩模糊，元公契得於中。
理，寫作先天太極圖。

謁元公

金陵姚昂

永州府知府

衣冠整肅謁元公，儼接光風霽月中。庭草尚鋪當日
綠，池蓮不改舊時紅。斯文脈續無先覺，見太極圖傳有
大功。聖代只今隆祀典，春秋血食永無窮。

愛蓮亭

元公亭上此登臨風月無邊亘古今讀罷先生愛蓮
說方知當日愛蓮心

漁溪

漁溪人去遠溪水自常流飽滿來泉眼滌迴轉石頭
烟開雲影見波靜日光浮真趣先生樂能忘身世憂

月岩

豪傑天生不等閑漁溪生近月巖山分明識破先天
理盡教箇歸太極間

斯文氣脉久湮沉幸有先生契道溪又得月巖來感

觸遂成千載不傳心

謁居元公

郡人趙宏廣東副使

昨日尋芳書院坡無邊
風月景如何
惴前尚有不除
草依舊年來生意多

月巖

郡人黃廷聘浙江按

幾度來遊不厭頻
洞天深處迥無塵
泠泠瀑澗銀
河水片片花飛玉
洞春自是六時懸
萬象儘教千
載御雙輪
青青又遍元公草
披拂東風見道真

又

郡人黃應元同建昌

並馬悠悠破紫烟
千峰如隊綴陰崖
前斷碣紛相向
石上殘棋故宛然
不是有光凝片月
那從無始會
先天苔花藉處
頻搔首醞酒臨風憶昔賢

愛蓮亭

三山陳晶

說罷先生太極圖
曲欄頻倚詠芙蓉
翠雲美影秋波溢
羅幃生香霽月初
色借瓊瑤侵几淨
光鏤玉液瑩窓虛
高風勝跡傳千載
景仰令人思有餘

謁元公

寧遠李 敷進士

先生號濂溪溪在先生前上源接洙泗下流及伊川
謁藹不除草亭亭淨植蓮圖書意不盡風月永無邊

謁元公祠

蒼梧吳庭舉進士

三千里外想儀刑此日夜冠進廟庭軒道日狹餘寸
綫聖言天遠袍遺絰光風霽月悠悠境芳草池蓮色
色馨夜入先生尋樂處闌干十二夢魂清

和

弋陽方 瓊道州

一代元公萬代刑二程親炙得趨庭降生不是承天

意賴悟安能契聖經風月當時無限趣圖書千古有
餘馨瀟溪溪上徘徊久真見源流徹底清

遊瀟溪故里

璋補王會

道州太守

岌嶮道山岑躋攀嘆陟絕下有洙水源伏行此蕩滌
三冬浮紫煙六月翻素雪冷冷滿洛川閔閩洒餘洲
我來溯其源于焉聊一榻坐石擢塵纓曠言懷往哲

又太極洞二首

四壁峻嶒一鑑圓盈虧異象總天然玄圖不自瀟溪
老誰識園前有此園

其二

弦分上下却能圓造化機緘不偶然坐到會心忘象
處山花山鳥我同圈

此故太守 王一川公題咏也公守道州在

世廟時值州有兵興之變公不肯殺降以媚備兵使者
自請投劾有南安軍置手版風州人至今德之尸祝
不絕云

題光霽亭

郡人李東芳

曲靖別駕

先生襟度當年事亭構溪頭始自今地敞虛明來
秀色池開芳潔映人心八窓風月無俱往一脉圖
書自可尋前詰儀刑渾不遠好期良會登臨

愛蓮亭

慈溪錢源

道州司
訓四首

昔見愛蓮說今登愛蓮亭愛蓮人已去池蓮有餘馨

濂溪

上流有洙泗下流有伊洛天不生此溪何由通脉絡

元公祠

元公祠宇接吾門一瓣心香日夜焚霽月光風趣無限吾生願得二平分

和提學沈公韻

一世文章百世名後生誰不仰先生圖推太極陰陽判道寓通書日月明流澤至今遺後嗣光風依舊滿

前楹使君經此祠堂下希聖希賢重有情

和學憲沈公韻

江華蔣灝舉人

宋室真儒獨擅名斯文後覺賴先生道宗孔孟源未
遠學啓程朱理自明一沼蓮香浮几席滿庭草色映
窓楹月襟風月無窮趣企仰高山百世情

愛蓮亭

樟墩方良弼

自古花中有君子花中君子真清致玉井移來歲月
深獨得先生心所契先生端坐池亭上風月無邊有
餘味高情幸有二程知一笑香生傳萬世

謁元公

熊錫邵寶

江西提學

一脉瀟溪水中涵太極天契符三聖後道冠四儒前
庭謁初除草峯尋幾問蓮略諳光霽在有筆未能傳

謁元公

廬陵陳鳳梧學憲

平生寤寐元公宅今日瞻依願始償千古圖書開鍵
鑰兩楹俎豆近宮墻春風庭草悠悠綠秋月池蓮淡
淡香一勺瀟溪溪上水敢將蘋藻薦芬芳

其二

愛蓮池下濯塵纓端拜儀形啓後生霽月光風平日
夢高山流水此時情心傳正印還三古口授遺書有
二程脩食一堂真不偶東南從此際文明

題月巖

層崖峭直倚穹蒼，洞口虛明月影藏。
兩畫陰陽分左右，一圍太極奠中央。
天生勝境非人迹，地入瀟源是道鄉。
鳥韻花香三十里，塵懷到此自能忘。

又

月巖形勝聞天下，五載南巡始一臨。
羸馬不辭山路險，涼風還愛午雲陰。
洞中掃石羅罇俎，澗下流泉鼓瑟琴。
醉讀殘碑剔苔蘚，瀟溪圖象有遺音。

又

春陵山水郡心賞，獨悠然磴險疑無路。
巖虛更有天

團圓中似望上下兩如絃我欲尋源去風光正滿前

遊月巖

廬陵劉魁

好風為我啓行媒勝地登臨眼界開天地鑄成渾太
極元公發秘淑將來凌雲怪跡真竒絕列席豪賢幸
與陪鎮日徘徊光霽裏一團生意覺春回

遊月巖

餘姚徐

愛

兵部員外

拔竒殊未厭澗谷披蓁莽梯崖陟穹洞中秋魄孤朗
長消隨朔晦東西窺偃仰分明示太極陰陽始析兩
哲人固先天肇物亦有象字畫魚鳥因圖書龜馬倣
元公自深易證茲彌不罔可以春陵墟仰配河洛壤

遊月巖

曹宏學王

混元無象亦無方，鬼斧何年鑿大荒。
中竇分明環太極，兩門彷彿辨陰陽。
人歸洞裏乾坤大，天在山中歲月長。
坐玩玄機歸去晚，滿林風葉濕衣裳。

遊月巖次陳宗師韻

嗣孫績麟翰林五經博士

陳公乘暇遊佳境，幸得追陪共一船。
澗谷春深花草茂，洞巖秋冷霧煙陰。
馬蹄行跡供吟興，鳥韻調歌奏瑟琴。
吾祖舊遊芳蹟在，吟風弄月有餘音。

斯巖名勝景至理，出天然洞逕開。
雙戶虛明自一天，仰觀圓似月側視。
宛如弦道妙乾坤，象昭昭在目前。

二遊月巖次韻

使節尋遊自有媒望中晴色片時開兩弦霽月東西
掛一段光風上下來石室重輝斯道合人象再出喜
吾陪徘徊未盡賡吟興收拾詩囊滿載回

咏瀟溪

郡人蔣天相

南唐李
子國錄

寒玉泫泫漾碧溪天光雲影兩相宜源頭一脉宗洙
泗流派千年啓洛伊今古無窮明道體往來端可沁
詩脾化機妙處誰能契留與吾人仔細窺

謁元公

毗陵丁致祥

湖廣
泰議

天將啓文運于彼五季衰元公茲挺生允矣間世奇

妙契羲畫前作圖闡微辭萬有天地間範圍靡或遺
上續千聖傳下為百世師象牖刪述餘疇能分醇疵
春陵故桑梓祠廟江之涓意思自庭草風韻亦蓮池
載拜瞻儀容光霽相見之食報未來葉端與斯文期
謁瀕溪書院

顧璘題

道喪餘千載天南得異人玄圖開太極絕學指迷津
庭草長交翠池蓮不斷春詠歌風月下瀟灑挹公神

題月巖

顧璘

靈巖象唯月盈昊巧為妍正視團圓影旁分上下弦
龍閣厓畔石日轉竅中天雕琢須神力伊誰測帝先

謁瀛溪祠

東莞王 縝

自從洙四分支遠便到瀛溪接派流
欲向眼前尋樂處直於山頂看源頭
一川風月誰當管四面庭除草自幽
今日瓣香祠下拜斯文天地共悠悠

謁瀛溪祠

潯陽王 汝賓

瀛溪去後圖書在天啓斯文續正傳
溪水有靈還泣墨山峯如待獨名蓮
古祠自奠郊原外精爽猶存草色前
千古人來裡瘞玉徘徊溪上月光圓

謁瀛溪墓

上海陸 深

元公祠墓碧溪深故里新阡一逕陰
世有圖書傳正

學天將風月寄徽音山中佳氣為晴雨草際浮光無古今江漢自隨廬嶽抱高山燕趙望洋心

題瀟溪交翠亭

益城柳邦傑

瑤草昔前翠色舒四時春意盎吾廬咲渠躑徑多茅塞也學先生不剪除

讀元公

餘姚陳塏

湖廣茶議

鄒魯微言後瀟溪正脉存江山仍廟貌風月自乾坤強作門墻拜幾為利歆僭盤銘有拙賦此意夙能敦

謁濂溪先生祠漫述所見

鄧雲霄

分守上湖南道

無極還居太極先，濂溪妙義更誰傳。
閒中到處堪尋樂，象外忘機豈墮禪。
霖月臨牕生綠草，光風吹沼放紅蓮。
君看吟弄緣何事，吾欲求之未發前。

遊月岩次錢培垣太守韻

族孫進士周淑永明人

星聚奎垣屬卯丁，儒先曾此闢文明。
一圍虛歛乾坤影，雙闕高懸上下星。
劃出圖書低二酉，護

來風雨壓層城標題更有名篇在峇口千秋紫
氣橫

原缺

謁濂溪祠

慈谿顏鯨學

先生崛起千年後我後先生五百年
風月人間幾光霽溪流漾碧涵
姪春庭瑤草滿前綠玉渊金井生
瑞蓮分明天地有至教仁體流行
無間然萬物本來備於我聖學玄
微誰的傳人心靜處妙元化太空
孤月澄百川有無之間是真覺鏡
臺郭郭猶塵塗春陵先生包羲氏
作聖一要開先天浮生已踰五十
載意緒忽忽真堪憐偶過祠下荐
明藻愧汗種種流如泉不觀斷臂
面壁者異氏苦行何獨堅身亦儒
冠號男子靈臺久曠其拘纏從今一
洗欲根淨廓宇澄明希

昔賢

遊故里

溪流曲曲抱平村，父老猶傳故里門。
四面佳山如立壁，一川霽月尚盈軒。
野橋烟樹曾遊釣，芻蕘曠曠共
組尊為叩道源。來特地石，其墓芳草兩忘言。

遊月巖

混沌一竅自天來，參兩分明此地開。
象帝久知人世固，真幾端有化工裁。
盈虛弦望猶斤眼，閨靜空明是聖胎。
獨有春陵神解後，乾坤無處不春臺。

愛蓮亭

廬陵

蓮有花紅白池無水淺深何人千載下獨契元公心
謁濂溪先生故里祠
長洲張勉學參議

溪上懸明月年年草色深山川鄒魯脉姐亘歲時心
水絮纓誰濯亭虛風自唵拜瞻猶未已瀟灑襲塵襟

題月巖

朅來月巖遊恍疑到城闕天門一竅通洞二雙峯揭
是時值秋半高天挂明月巖虛因月勝月白為巖發
明晦分西東虛實異凸凹乾坤俯仰間萬象晰毫髮
圖畫開端倪天然謝剗厖獨對會予心忘言坐超忽

題濂溪

一 揭陽吳繼喬

江華知縣

蚤向圖書歎望洋幾更寒暑費消詳如今天假瀟湘
便直溯濂源日未央

題月巖

巖裏清光總舊時高風千載動遐思焚香百拜心無
限陟降猶疑公在茲

遊月巖

莆田戴科即中

月巖迥在道山隈象月成形亦異哉上下如弦雙闕
曜中心似望一輪回濛濛有樹長生色皎潔無雲更
絕埃歸騎清宵穿桂影分明身向廣寒來

又題月巖

吾道包涵天地外，真機漏泄此山隅。
巖形彷彿先天象，月影依稀太極圖。
定靜絕無塵俗累，虛明時與道心符。
發揮此理周夫子，繼往開來萬古儒。

大極巖

章

淮長沙推官

真機盡道洩圖書，地闢誰知此與俱。
不得元公天授力，疇將様子播寰區。

遊月巖同黃侍御二首

汝陽趙

賢巡撫

連日愁陰雨乍晴，亦喜人山中春色好。
巖上月華新，座有同門客。名高侍從臣，聊為脩禊會。
促席覺情親，到處尋佳勝。無如此地偏蒼崖，晴作兩白晝。
月生天

洞口重門散山腰一徑懸瀛溪書屋在圖說至今傳

故里二首

昔道多幽林月巖最奇特行行十里許中有瀛溪宅
暮春風月佳彷彿臨光霽豸嶺間龍山徘徊夜忘去

遊月巖

婺源盧仲佃憲副

瀟湘最深處月蔭洞門偏青剝三山竅虛開半壁天
圖書言外落魚鳥鏡中懸未詳庭前草千年道不傳

故里二首

蘧煙九朶青月影半巖白窓草覆池蓮不是談玄宅
風月滿空巖孔顏真樂處有懷無極翁徘徊不能去

懷元公四首

一去濂溪五百年先生此日在先天
苦從底冊尋形影終是批糠洗不乾

四十年來夢道州瀟湘深處一相求
眼中尋見周濂叔窓草池蓮萬古悠

草在空庭蓮在池風清月白兩相知
眼前都是尋常事看得清時真仲尼

蓮未生時風未吟草無青色月無陰
此中自有周夫子分付吾人仔細尋

謁故里祠

四明管大勳

學憲

吞陵千載毓真儒一泓清溪接泗洙誰道炎荒無聖
脉九疑山畔有皇虞

儒先宅里道山阿碧嶂重重淑氣多池上玉蓮香不
斷庭前青翠故交加

肅肅祠堂排兩山五星羅列繞田間邀尋風月依然
在更有何人樂孔顏

米蘋溪上薦元公頃刻如從光霽中無欲一言真秘
訣慚予偏為利名籠

詠聖脉泉二首

濂溪水清且激混混發蒙泉潺潺出白石飛洒元包

虛受來淵停還向靜中得一從伊洛分支流至今海
宇淑餘澤任教世俗蕩塵氛惟有此溪長不息
澗溪水清且深一鑑渾無滓徹底空人心千年俗學
誰為洗泓泓嫡派流古今顧予濶俗茫茫者謁來踪
跡傷滯露幾從山下迷津問安得此水清煩襟

月巖

兩儀至理洩先天巖竇中虛太極德伊洛未承元有
象洪濠初啓總無傳分明劃出陰陽體漫擬斜看上
下弦欲向元公問消息光風亭在草芊芊

遊月巖

寧昌閃應露

本府通判

中天太極遂還見兩竅陰陽空復明天造地設此奇
境月形弦望誰擬評理窟百年淑後學道源千載仰
前英洞府山靈欲招隱雲輶風燈趨去程

出月巖途中口占

朱應辰

東坡

天不離乎地地不離乎天天地不相離日星亦相連
月巖太陰精弦望皆週全衆阜列星宿雲霞障其偏
造物露天巧不知幻何年聚奎兆文明魄復擢曲田
篤生周夫子悟道月巖巔太極洩玄秘斯道賴之傳
二程自北來風月故無邊吟弄一以歸閑闌遂翩然
孟氏千載後濂溪功孰前嗟予生也晚來此徒自憐

徘徊不能去此意良倦倦

出元公故里直颯月

瞻拜元公故里途中風月無邊愧無弄吟佳興也有
登眺風緣

宿光霽樓見新月

春陵見初月光霽一番新雖是瀟溪里慚非弄月人
春陵曾贈元公宗裔翰博默齋君歸道州

臨武曾朝節編修

明主不復思東日周家學脉山之東六經刪述杏壇
上萬世可以開群蒙已知迷肖見羽異七篇矯矯真

豪雄從前治運有消歇要令海岱恢儒風一源洙泗

忽斷絕日月晦蝕長夜同諸家橫議作鬼語漢儒訓

詰徒能工更來詞藝闢藻績往往竄入儒林中其間

一二亦超卓頗窺正緒收微功非學見解只影響千

年邪許真詮融中州以南說吾楚洞庭雲臺涵虛空

元氣磅礴五峯頂濂溪直與瀟湘通曩初神物久寓

闕天豈終遺斯文壘五星奎聚有徵兆春陵一日生

人龍圖將太極揭宇宙三才萬象宣鴻濛六經以後

談著述通書妙義天人窮文章簡勁存渾噩寥寥果

足該幽崇大儒未用發浩歎誰從載籍瞻議容嗟予

生晚教百載鄉人尚愧孱且侗頻年學道恥知識異
時何以酬蒼穹先生後裔雅馴者延賞

新命君恩洪都門遣見儼舊德瓊瑤把贈情偏濃月巖
風月無邊在他年會訪春陵翁

遊月巖

涇州李發道州知州

勝地千年始縱遊元公道岸望中收一圓霽月當空
湧兩洞光風接露浮真境會心非外得山靈呈象若
天留徘徊不盡無邊景坐對清虛興轉悠

再遊月巖

大道元從太極甄分明混闢溲天真兩巖進退窺弦

望一竅虛明渾化鈞河洛未開原寓象魯鄒沒後邈
無循悠悠千古不傳秘賴有先生獨指津

味道亭

曾慨言湮學晦時道中真味幾人如一腔奧趣獨能
會千古心源續有期溪畔風聲吟不盡江門月色照
還奇孔顏樂處今何覓靜玩亭中意迥夷

謁濂溪先生書院祠

憶昔當時夢裡真采芳茲幸薦青蘋古今上下三千
載濂洛閩閩四五人有道乾坤仍不老無邊風月自
常新我來欲叩圖書秘直探真儒默契因

原缺

重到月巖

黃文科

月巖巖上月圍圍對照人間玉宇寒如會一機弦上
下滿天光景屬誰看

月巖

邢應文

峭壁何年鑿中虛一竅通虧盈呈月象仰止見天工
石乳壅陰洞嵐光散曉饒為尋千古迹巖草自荒荒

濯纓亭

魏海

何方尋勝景此地有幽潺纓濯憑誰共軒開盡日閒
鳶魚俱自適風月覺相關坐久塵襟淨陶然忘姓還

月巖

謝貺

月巖之月何太奇洞門雙闕白雲垂巔虛乍見渾幾
望磴轉迴看倏已虧疑是靈魄蹲恠石實多僂桂鬱
寒枝塵襟到此都忘却猶有光風似舊時

謁元公祠

廖朝高

遺象森森孔廟同我未瞻拜每從客蓮開池畔自生
意圖闡先天妙化工無款一言呈秘訣吉凶兩路啓
滕隴先生指點千年後都在光風霽月中

遊月巖

內江吳能進

通州知州

謾傳月窟杳重玄此地尋游恍洞天正視頂虛光似
鏡側看影轉巧如弦一九秘透洪濛窳幾畫圖成太

極篇識得當年吟弄處自家刺有滿腔圓

觀瀛

內江吳能進

文獻名居傍聖泉一泓清孤靄雲烟消消噴玉饒庭
草細細飛霜簇畫筵山矗翠微澗有木亭閒風月樂
無邊元公逸趣源頭遠幾度豪遊幾愛蓮

天開太極

吳平張喬松分廬上湖南道

太極陰陽真本體如何認作月岩遊予今識得乾坤
意混沌初開為道謀

光霽亭

周官

平生希慕瀟溪子今日何緣得及門風月無邊圖

已頭乾坤有象道逾尊
敬垂主靜立人極
識破支離乖聖言
幾看蓮池蘋長綠
漫從童冠說湖源

愛蓮

六首

王濂

一味清香自太華
滿池綠水映明霞
惟公獨得蓮中趣
不減峰頭十丈花

又

世間盡愛牡丹花
籬菊陶潛隱者家
獨有清蓮似君子
先生垂愛意偏奢

味道亭

大道貞明麗太空
祇緣多翳竟塵蒙
先生默契鳴濛濛

始至理渾歸太極中
春陵懸霽月人文楚漢際
光風何當末學沾私淑
一統應推第一功

遊月巖

千古月巖渾是道
何人便向此間求
先生獨契巖中意
因有先天太極圖

又

月巖又畔構斯亭瞻仰於今具典刑
不是圖書覺來學古今
長夜幾時醒

次張憲副韻

昔面圖書窺象體
今登巖月共神遊
乾坤萬古魚他

道只在人心一竅謀

讀月巖辨

湖鵠湖韓子祁道州刺史

偶探月窟見天根造設

十鬼斧痕一極虧盈分

動靜五星攢布自乾坤俗

名久失山靈意卓悟如

登茂叔門千古廣寒宮重

夢却如長夜發朝啟

題太極巖

圖開混沌漏先天太極陰

陽五氣全道本無形昭

有象人從假號失真詮已

先河洛呈靈秘不用瓊

衡測運旋欲問元公心得

虛想於個裏會義玄

謁周元公詞

海虞我達道

通州太守

溪上官牆異代番，每因風月憶前脩。
千年絕學開河洛，萬古斯文接魯鄒。
草色尚餘庭下綠，蓮香如向座中浮。
于今始遂龍門願，不是當年紙上求。

癸卯春日借碧守戎暨程王二僚友同游月巖
即景

帝子何年遣六丁，鑿開混沌自空明。
上清宮闕依稀見，太極儀形次第呈。
飄忽乳泉晴作雨，瓊瓏石竇鐵
為城。酒酣兩部笙歌沸，洞口蒼茫落照橫。

初夏同劉寶慶再游月岩仍用前韻

忽報西郊雨乍晴，可人時節又朱明。
虧盈月向園中

照上下弦從谷口呈狂興幸追劉禹錫驚人誰拔謝
宣城名若不厭頻登眺醉倚青蒼劍氣橫

謁周元公祠次錢五卿韻

呂繼棟

道州知州

霽月光風此尚留聖泉深處事潛脩誰云一派傳種
穆直是千年稽卷鄒太極岩前春草碧五星亭畔紫
烟浮登堂若睹先生面好把圖書仔細求

故里

董汝第

茂叔祠堂垂令名五星環聚自天成一圈收盡乾坤
趣千載猶餘風月情廟貌嵯峨崇祀典圖書世澤衍
家聲靜中生意今猶在馥馥蓮香庭草菁

遊月巖 五言

瀛洲希曾王一之

為謁元公里因探月窟竒虛靈涵象數俯仰識盈虧
混沌誰開竅淵源自泔師一從圖太極曠世見包羲

又七言

一竅空明如鏡圓
夢人曾此契先天
玲瓏彷彿團
園象偃仰依稀
晦朔弦地結雲根
穿石壁天將月窟
嵌峰巔登臨凝
傍清虛闕兩腋
風生爽氣偏

遊月巖 五言古風一首

河內許宗曾

緩轡春陵西
迢巡瀟水渡
翼趨茂叔堂
宛挹光風

趣爰披太極圖誰授先天數
咄彼青蒼崖嶙峋風
雨妬中涵一竅靈至寶
神訶護如缺復如盈
光寒瑩練素是鑿混沌
精乾坤此陶鑄烟烟洞
中天冥與哲人悟俯仰
游太虛徘徊起遐慕
對茲崑月竒幸有德星
聚雲岑掛夕陽好鳥
鳴高樹安得魯陽戈
一揮使日駐遲遲歌
詠歸漫踏蒼苔路

又七言

誰鑿靈巖一竅通
分明千古破鴻濛
哲人自悟羲皇訣
大塊偏呈造化工
青壁遠啣銀漢
關紫烟深鎖玉
虛宮到來身際
蓬壺境縹緲天
香兩腋風

咏光霽亭

咸寧孟養浩

禮科中
給事中

鴻濛竅剖抉先天象罔珠探理學淵吹累子年風
自拂無雲萬里月長圓看來留草窓前意絕似拈
花教外傳光景遍陳湏認取淤泥何處不生蓮

又

光風霽月兩悠悠溪畔潺湲萬古流悟後陰陽收
郭几靜時花草是羲疇氤氲元氣虛中合掩映冲
襟物外浮我亦楚人思荐止景行無據愧先猷

咏光霽亭

楊載植

寧遠
知縣

幾年夢棹漁溪上今到春陵際美人禍地兩滋窓

草綠照天燭映池蓮新無欲境裏一腔靜太極園
中萬象春振衣隨拜先生廟風月依稀似有神

咏光霽亭

陳之京
永明
知縣

萬山深處若為儂誰啟先生味道真一錢乾坤足
絕學雙懸日月照迷津圖書想像先天上俎豆輝
煌澗水濱自入春陵頻景慕清溪碧藻薦明禋

咏光霽亭

應世科
江華
知縣

淑氣偏鍾自舜源春陵兀自挺高賢機發一線天
光悟學把千年聖訣傳瑤輝碧浸滿池草清拂香
飄半壁蓮不是大夫憐綫脉溪頭女得此亭懸

遊月巖 五言

溫陵陳文進

賢里瞻星聚穿岩襟月竒空明一片境弦望兩分
時岩壑晚爭秀盤樽兩更移幸陪玄度後難和右
軍詩

和王郡尊七言一首

溫

伊誰鑿破這團圓月在岩頭影在天今古一輪渾
是望盈虛半瞬又似弦廣寒帶雨探深處蓬島依
雲躡峻巔可羨右軍修禊事追陪那計燭花偏

咏光霽亭

溫陵蘇茂相

江督學西

宋學稱理窟濂溪扶其闕
根極主靜言昭晰太極
義中懷謝磷緇外象溢
和粹霽月映光風夷然豁
忘憊程子深服膺趙公
竟臭味侯生待三日識者
遽驚異千載想靈襟令人
猶融世明牧挹道淵典
刑勤寤寐祠亭煥舊顏
庭草滋新翠簿領此何煩
弦歌古所貴

林志孝年文守道州以鼎建光霽亭記見示
賦此奉答

讀濂溪志用陽明先生韻一首

晉江林學魯

文選
郎

為愛濂溪洩道真却從主靜覺迷津因參太極元
無極正是先民覺後民巖月至今遺朗照池蓮自
昔陪精神千年仰止高山意聊託連枝一薦蘋

學魯

予告里中適第學閑守道州脩

先生志索詩於余余不能詩然誦法

先生自束髮時矣因寄小言于余季勿論其詩

之工拙可也

次兄仲韻一首

瞻拜先生挹道真
依依光霽是前津
學顏樂處在
陋巷志尹達
可為天民象
呈太極原非偶
星應奎
文自有神忝竊宮
墻閑下士今來
幾度薦溪蘋

原缺

咏光靈亭

曾可立

永明
如縣

星聚奎躔宋德新真儒崛起首春陵一腔生意隨
窓草千古斯文屬後身太極悟來渾是我盆魚觀
處莫非真馮心渠吟弄襟懷豁會得神情寫在亭

咏光靈亭

揚如春

江華
知縣

宋代斯文啟奎光瑞氣浮濂溪開道脉太極演玄
修蓮愛者千古巖虛月萬秋令人思懿範私叔邈
源流

謁濂溪

車登雲

道州自昔產名賢敬謁祠傍寐正傳舊日蓮花疑

泮月新春梅蕊映寒籬人疑夫子吾庶愧脉脉
儒爾勉旃少壯勸君各努力登壇馳騁著先鞭

謁濂溪

周誌

森森古柏當年舊脉脉清濂一泓長義孔微言歸
太極程朱後學關荒唐孤亭月落花碑半峻石雲
深草篆芒光霽無邊千古景穩將吾道向南行

謁濂溪祠咏愛蓮一律

楊大行

夙仰先生獨愛蓮登臨瞻拜繹真傳光風霽月融
枝幹主靜存誠裕本根樂向孔顏尋自得開天若
月識先天卷舒妙徹陰陽理淨剖新絲道味綿

古今祭謁

濂溪祠春秋二仲次丁祝文

惟公闡圖蕃書發明道學上繼魯鄒下開伊洛卓矣
大儒允稱先覺某等嚮往實殷敢忘教澤茲脩常祀
用昭虔恪以明道程先生伊川程先生配尚饗

九江墓祭

惟公闡明道學上稽古先指授圖書下開統緒功紹
六籍名垂兩間體魄攸藏光霽如在茲維仲春薦薦事

有期國典肇稱司存是寄駁奔敢後嚮往彌深

墓祭文

孔文仲

嗚呼董象之歲隨宦于洪論父之執賢登天如公公年
壯盛玉色金聲從容和熟一府皆傾公二永州嘗以
旅見公貌雖衰不以憂患主薄江西公使于南視公
如得豈進之貪二十年間再覲長者雖云不屢意則
輸寫廬山之麓是曰九江皆非土人來寓其邦此顛
彼期終為鄰里如何今歸乃吊公子嗚呼公之平生
耻不明特壅培浸灌厥聞大馳有文與學又敏政事
絕今無比伊傳自視出其毫纖以惠百城千里之足
尋尺于征民瘼以瘳自病易州謂宜復騁遷捨一丘

公之於世惇篤久長有志無年孰聞不傷况如不肖
辱公知厚通家之密中外之舊再拜墓下矢哀以辭
情長韻短續以漣沔

奉安漁溪先生祠文南康

朱熹

惟先生道學淵懿得傳于天上繼孔顏下啓程氏使
當世學者得見聖賢於千載之上如聞其聲如睹其
容授受服行措諸事業傳諸永久而不失其止其功
烈之盛蓋自孟子以來未始有也熹敬誦遺編獲啓
蒙吝茲焉試郡又得嗣守條教於百有餘年之後是
用式嚴貌像侑廟學宮并以明道先生程公伊川先

生程公配神從享惟先生之靈實臨鑒之謹告

潭州遣祭

朱熹

維紹熙五年歲次甲寅八月己丑朔二十有八日丙辰朝散卽秘閣修撰權發遣潭州軍州兼管內勸農營田事主管荆湖南路安撫司公事馬步軍都總管賜紫魚袋朱熹謹遣學生迪功卽道州寧遠縣尉馮允中致祭于濂溪先生周公於皇道體沕穆無窮義農既遠孔子孟為宗秦漢以還名崇實否文字所傳糟粕而已大賢起之千載一逢兩程之緒自我周翁清瀟之原有嚴貌像欲覩無因徒有悵望吏以毀告閔

然于表出金少府往佐其功爰俾諸生敬陳一酌先
生臨之有赫無昧尚饗

濂溪祠祭

王啓

洙泗迹逝太義乖違賢哲篤生文明應奎濂水之源
一倡月巖之光遂輝意思發泄於庭草道體灼見乎
精微闡百代圖書之秘啓千載人心之迷二程從游
道學復恢偉哉有功於聖門未今丕獲乎依歸有祠
翼翼享祀維時光霽如在庶以慰吾人仰止之私

九江書院開講祝文

趙崇憲

孔子既歿天其將喪斯文乎斯文之未喪則我先生

發揮講明之功也盧阜之麓濂溪之涓先生之書堂
存焉像塑僅設室宇湫隘無以興起士心先生之道
殆猶鬱而未宣也崇憲奉

天子訓辭來守此邦用敢度其堂宇之左偏廣築為學
舍二十六區蓋將選邦人之俊秀者朝斯夕斯以香
明先生之業惟先生陰惠我多士相協厥居克昌斯
文豈惟予末學丕遂後志異時人材輩出將越我國
家萬年實嘉賴之

白鹿洞祭文

維弘治十有六年歲次癸亥十一月甲子朔越二十

五日戊子按察副使後學無錫邵寶敢昭告于濂溪
先生周公明道先生程公伊川先生程公惟我周先
生衡人也兩程先生洛人也地之相去數千餘里而
乃授受於此天作之會中興斯文夫豈偶然之故哉
嗚呼仲尼之道天地也否孰泰之仲尼之道日月也
晦孰明之三先生之功於是為大矣故允過化之地
莫不慕而祠之况授受伊始如南安者而可後乎某
也愚陋初學壯仕夙仰止焉今者承乏視學再至茲
郡適當陽復之候謹率諸生祭萊祠下嗚呼獨復之
難久矣惟三先生尚矜其志而惠相之謹告

九江致祭

周

冕

裔孫
博士

惟我鼻祖宋儒先覺克承鄒魯以啓河洛壯則宦遊
南康終則安厝廬岳歷代加增有功道學迨至

聖明崇德象賢子孫襲爵冕等今承檄召來自御國祀
守先隴孝思維則遠具脯醢肅將牲帛罄竭衷忱敬
陳幽宅神若永存庶知歆格以鼻祖妣陸氏縉雲縣
君蒲氏德清縣君侑食尚鄉

白鹿洞祭文

李夢陽

江西
提學

嗚呼孔亡孟歿言湮聖述六經僅存異端為敵天降
夫子起自南夷繼絕開米文乎在茲圖書啓秘我明

我聰警晦而旦江河池中嗚呼夫子貞履坦坦道光
跡幽自彼魯鄒匪我獨遭我我廬山公遊而棲爰墓
爰祠百世是師夢陽沐馨研粕年逾三紀志銳質劣
無成內悔文鐸忝竊言邁江邦過公里阡汗顏徬徨
式脩厥明以奠以祀品豐于丘我酒伊旨誰其配之
二程夫子濬深貫奧敢忘本始神格相予造化髦士
尚饗

謁九江墓

寧遠雷復

侍郎墓

生先生之鄉曠望乎百世之下履先生之墓慨乎百
世之前前乎百世絕學賴先生以繼後乎百世斯文

賴先生以傳生意猶存藹藹疑交之草春風尚在亭
亭手植之蓮嗚呼廬山蒼蒼九江湯湯先生之風山
高水長

謁元公祭文

安福歐陽旦

湖廣
棧學

斯文之喪千有餘年先生將起乃嗣其傳太極之圖
易通之書淵源理學實啓程朱欽承

朝命職司學校顧德弗類忝茲遺教明山秀水霽月光
風載瞻載肅萬派之宗

安福王爵

永州府
知府

堯舜湯文之為君皐夔伊周之為臣孔思曾孟之為

師斯道之傳如日中天後此子載抱遺經而尋蹤緒
繼往聖而開來學至於今日而無窮者謂非先生之
功而誰歟爵承之先生舊邦景仰先生賢範私淑方
啟敢忘所自謹陳楹祀用表衷悃

瓊山方進

道州知州

斗牛精光扶輿清淑上接魯鄒下啓閩洛圖書垂憲
千聖一作忝守過化之鄉仰止降神之嶽謹以菲儀
式陳微恪

新建符鍾

道州知州

嗚呼夫子之學誠立明通夫子之政和毅從容以學

以政教萬世無窮者夫子之德之功予生千載竊仰
高風不圖忝守茲土獲登夫子之堂拜夫子之貌而
覩夫子後嗣之雍雍嗚呼乃知

聖脉千古攸鍾予生不敏叨此官守恒切衝衝尚賴夫
子大啓我聰俾弗迷于政以免夫鰥痾

嚴陵魯承恩

永州府同知

天地之道具于吾心先生先覺覺我後人三代以還
道喪文弊或矯矯以立名或栖栖為祿仕或規規乎
註疏或置置然媚世空言濫觴真道之棄一節雖高
于世無濟先生盡傷究極根領博學力行自我立命

道苟可仕不辭蔭補官可濟民其心書簿久速仕止
步趨 先師園範曲成不識不知或者以先生之道
在乎太極不知先生道大光明不在二圖而在于躬
行有素也不然未能孚于時何以垂于後未能行于
人何以質諸天地乎或又以先生之學由靜入門嗚
呼先生終日行之未見一語于及門之徒天何言哉
先生真獨得孔氏之傳也夫承恩愚陋竊祿茲土幸
登故里實切瞻依羨墻窳寐川遊雲馳特牲醴酒聊
表仰思

山陰金椿

永州通判

於呼慨自孔孟之道不傳揚墨申韓之異端日熾迄

千有宋天啓文明我

公挺生于千五百年之後能自得師潛心道妙圖太極以探天地之秘藏演易通以發聖賢之精蘊上繼往哲之墜緒下開來學於無窮功在當時澤垂永世愚生也晚願學有年茲判永陽獲覩遺像登堂拜謁浩氣若存霽月光風萬代瞻仰爰備牲牢式陳明薦庶昭靈貺鑒此微誠

吉水周子恭

永州府
通判

仰惟先生邈世之聖不由師傳粹然全正仕苟為貧雖小官有不辭學苟為道雖人不知而無悶道德性

命之蘊僅見於圖書而其無言不盡之教卒莫窺其
兆朕從容和緩之色僅覩夫光霽而其行藏屈伸之
妙卒莫測其淵深當時在門惟有二程先生不強人
以未到惟開其說而不竟既而二程有得自稱體貼
尚不歸功於先生之門而光於脩飾之士章句之儒
又烏足以知其真乎予恭自幼學道既壯無聞虛負
歲月良愧此生幸而不死之良耿耿猶存數年以來
究先生之歷履探先生之為人而希慕一念若有授
而授之者恭亦不自知其所因也今者拜官在永得
踐先生之位巡歷在道復造先生之庭情切瞻仰特

致醮薦嗟夫蓮草俱在風月傳神先生之教召其有
罄子恭而苟不惰於向往之志焉往而非先生之所
陰佑而默成者哉先生有靈尚鑒斯文

武進唐珣

永州府知府

惟斯文之興衰實與世以汙隆慨微言之既絕紛千
載而塵象諒有開其必先迺豫徵於星聚繫夫子之
挺生蓋早成而默契極精蘊之沉郁肇啓鑰於圖書
言有至而弗盡意獨得而有餘若大明之始升夜冥
晦而復旦若多途之迷方指大道而群鄉昔仲尼之
真樂惟顏氏其庶幾乃夫子之光霽歷異代而同歸

也蚤服膺於聖教卒假守於茲邦觀河洛而思紉
入魯阜而升堂嗟庭草之已宿覽風月而慨然聊寄
辭於一萸邈景行於前賢

太和王宗尹

永州府通判

公之學以無欲為功以無極而太極為宗自修自誠
且明自信蓋有聖人之德闇然而不欲以自見也昔
孔子贊乾之初九曰潛龍勿用龍德而隱者也不易
乎世不成乎名遯世無悶不見是而無悶樂則行之
憂則違之確乎其不可拔潛龍也公寔有焉宗尹修
行矯名淺中揚已不足以議於公之學也然一念不

死嚮往有期神固有知啓我荒迷

廬陵陳鳳梧

湖廣提
刑金華

道在天地太和元氣公得其全中正純粹體用一源
隱顯無二上探羲農以承洙泗二程授受寔大其傳
斯文再闡如日中天睠維春陵公之闕里祠像儼然
雲仍伊邇某幼讀圖書長而無似幸叨公鄉領諸教
事瞻望光霽五年于茲展謁云始如窳斯蘇愛蓮有
亭燕溪有永維公此心千古如是敬采泮芹奠于祠
下公其臨之佑茲文化

維萬曆四十二年歲次甲寅九月庚戌朔越祭
日壬申湖廣等處承宣布政使司分守上湖南
道右叅議鄧雲霄謹以羊豕清醑之儀致祭于
宋大儒元公濂溪周先生之神曰坦坦聖道異
端弗之俗儒訛惑日與背馳幸生夫子振鐸提
撕上繼洙泗下開閩洛太極一圖先天獨覺誠
一為基孔顏與樂有體有用可仕可止主靜立
極不墮禪理宜師百世為道嚆矢雲霄分守茲
土密邇賢鄉洗心滌慮披馨沐芳展祠瞻拜實
獲周行孰覩公顏光風霽月孰測公心溪澄蓮

縈孰知公趣吟美不輟我生雖晚式學庶幾良
知良能是鉢是衣漑觴陳悃虛往實歸尚饗

長洲張勉學

湖廣
崇禎

於維先生實產此邦秀鍾九疑期應五星豈偶然哉
其所以蘊之為道德發之為圖書者固已上繼孔孟
妙契六經矣自宋迄今五百餘年凡海內有志之士
孰不欲一入其鄉又孰不欲一睹其遺容以慰仰止
之思也顧茲春陵介楚西南二千里外山川遼逖宦
轍罕經則夫慕蓮池纓亭之勝跋月岩春水之奇者
吾不知其幾何人矣勉學不敏自結髮即知誦習先
生之書三十年間每思一闖其門而不可得乃今承
乏守土觀風名邦遂得奉謁祠宇而肅拜焉夫海內

人士入其鄉者鮮矣况得睹其遺容乎即賭遺容者亦鮮矣而况既睹其容又得窺其宗廟之美乎洋洋乎灑灑乎光霽如見其骨襟聲容若聞於俎豆此殆縉紳之罕遇而實為勉學生平之至幸也但念筮仕以來習氣欲除而尚存希賢有志而未速以故致前躋後坎何無成懲創之餘動輒愧悔則夫箴砭愚蒙之功默啓心源之妙誠不能不於先生是賴矣爰酌蓮尊式酌庭草而且述其自幸之私與夫頌學之意如此惟先生其降鑒之尚饗

永新尹襄
翰林編修

斯道久墜至宋復明伊洛之學實本先生性與天道

圖書則備惟幾惟深。扣闕啓秘學。聖有要一以養心。
光舜以來理。無古今。開我後人恩。同罔極。尸而祝之。
崇功報德。褒雖寡。味誦讀。有年使經仁。里仰止。益虔。
採筱溪毛。祇奠祠下。恍如風月。以昭以洒。

慈谿顏鯨

湖廣學

皇帝即位之二年。是為隆慶。戊辰。慈谿顏鯨提學楚藩。
以六月庚辰行部。至于湖南。由永郡竣事。趨郴州道。
出春陵。謹齋。祓用牲釋奠于。

宋大儒周元公濂溪先生之祠。曰於乎先生。生千載。
絕學之後。而能超然默契聖人不傳之秘。主靜兩言。

無欲一要直截易簡昭如日星於乎小子乃其以形骸尔我之私勞勞焉終身戰於煩惱醉夢之場真先生之罪人也修之則吉悖之則凶心為太極汝將焉從聖凡平等天地同宗敬述斯言用告群蒙而以質夫先生尚饗

光山蔡光

江華縣知縣

維夫子秀孕衡嶽應期挺生五星聚奎一元文明師授匪求太極點契有圖有書孰窺其秘開闔啓鑰手示二程河洛既衍流溢閔閩昔在有宋後學拂航爰及我明斯道益昌光汝南末品竊慕先哲叨吏下邑

庶幸展謁庭草芊芊風月融融迺挹餘輝迺滌塵襟
時日之良敷衽陳辭神英如在尚其鑒茲

改陽趙賢巡撫

先生生三湘九疑之間當聖述言湮之後乃于斯道
不由師授獨契本原圖說易通閨幽發秘因羲文孔
顏千百年心法之傳也蓋其入所謂豪傑之士無待
而興而其言雖聖人復起不能易者也賢蚤歲讀其
書玩其旨而想見其人餘二十年矣頃有天幸過其
故里溯濂溪營水之源覽龍山豸嶺之勝池蓮庭草
霽月光風若親炙之豈非生平希奇之覩哉碩賢後

後焉日從事卜口耳之末簿書之煩茫乎此心靡有
得也謁先生之祠瞻先生之像猛然深省能無愧乎
能無懼乎以先生之靈而鑒于賢一念嚮往之誠亦
將有以默啓之而俾不終自棄已也敬奠先生不勝
景仰

寧波管大勳

湖南學憲

於戲道在天地流而不息待人則行匪師弗得義皇
以來下迄孔氏見知聞知厥唯有自夫以孟夫子負
西聖之才猶不能不私淑于子思乃先生則不由師
傳道体炳如孟夫子近聖人之居故能獨得乎周孔

之秘乃先生則崛起南服寔云荒裔蓋其人誠所謂
豪傑之士雖無文王猶興其生則所謂人傑地靈獨
超乎風氣之表者也大勲生也晚恨不及吟風弄月
于先生之門牆而叨按茲土又未嘗不自謂千百年
之竒違今者觀風入境仰止益虔祇奠祠下遺像儼
然尚惟先生運茲聖脉佑我文明萬年一日

東郡丁懋儒

本府知府

儒生也晚幼承家學周公而上孔子而下布在方冊
者靡不殫究問入曲阜詣闕里周封孔室如克見聖
經鄒嶧山拜孟祠下而巖巖氣象若酬酢焉先生生

於春陵去中土數千里恨不能至其地以見若曲阜
鄒嶧各山大川考斯文之肇起也客歲補永都訪故
里讀遺集景嚮滋甚積誠既久敢中爰告儒向有知
弱冠後博求佛老之書兀然靜坐窮日夜之力謂庶
幾有所啓發然吾空長生皆未見有意則求之先生
之言而有悟質之六經孔孟無弗合焉不外人倫日
用而通乎性與天道不落言語文字而非遺脫世事
不必求諸外物而在我無所不有但當隨處體認而
功效自然斷不可誣則先生之誨我已非一日深愧
夫未之有得也竊怪乎學先生者高明多求速肖沉

潛不免牽滯則所以印先生之心飲先生之醇紹先生之統世豈無若人乎儒不能無感於斯惟先生鑒
只

祭瀛溪周元公先生文

北地李楨

巡撫

道源千載夫子挺生剛明果斷博學力行政嚴以恕
事整以清風月光霽圖書會成道立教遠傳正習弘
師表後學如明道先生發揮聖經如伊川先生斯道
不墜斯文中興之後洙泗下竹閩闕損讀佩遺編撫
茲全楚楚闕有宮道實其卑仰止聿深明薦式舉牖
我後人永睹至理尚饗

蔡瀛溪先生

昔江郭惟賢

巡撫

於惟先生千載崛起夙啓湛思邈源窮委太極一圖
獨製奧旨絕學以繩訓詁為鄙伊洛見知考亭嗣美
斯道重明云誰肇始春陵之功鄒魯可擬遺澤迄今
川流嶽峙覺我後人淑爾儀軌有化其風况遊其里
賢承乏于茲婢黎是救遙瞻道祠景行遺趾庭草芳
菲光霽在邇先後一心有為則是蓮月爰脩神其耒
喜

平湖孫成泰

道州知州

於惟元公千載一矣默探道妙不由師承上繼周孔

下開二程太極一圖闡秘傳心惟茲道郡寔古春陵
山川靈秀毓我先生巍巍廟貌馨明神泰生也晚恨
弗及門幸承

帝命來撫斯民仰瞻遺範是訓是行我鑒維何濂溪之
清我挹維何霽月之明倪焉夙夜敢弗兢兢今茲承
乏違遠儀刑吳山楚水夢寐惟勤爰酌我醴爰薦我
牲先生有靈來格來歆

祭濂溪先生文

涇州李發通州知州

嗟夫聖道相傳如日月江河流行宇宙無時可息苟
非其人則不明不行自孟氏沒學術多岐道統不絕

如綫而真儒之效遂渺所幸天啓斯文先生崛起超

然自得妙契真詮太極一圖探造化之原通書四十

章揭脩為之要千聖不傳之秘燦然復明於世河洛

閩閩諸儒始有所憑藉以恢張其緒而道統於焉大

振先生之功何其偉與某不敏蚤竊有志於學其景

仰先生接於夢寐者積有年矣碩日溷塗途此心茫

然未有印證今忝守茲郡乃先生誕育之鄉得瞻拜

先生之祠登陔對越光霽如承嚮慕之懷恍然有覺

茲非生平一大快哉所冀先生在天之靈憫其愚蒙

陰為啓佑惜之大道以不迷于歐夫豈惟某一人之

幸仰亦邦人之休

謁元公祭文

德安何遷

嗚呼先生之學妙契先天圖書之著大道彰焉以繼
往聖以開後賢渾淪再闢永衍正傳廬山之麓祠墓
森然春秋祇薦儀典相沿遷夙志聖學仰慕有年茲
倅是郡益激惓惓卜吉果拜薄陳豆籩誰其配之明
道伊川嗚呼先生往矣神弗俱湮莫庸我明莫鑒我
虔尚饗

祭周諫議文

恩南張守剛

永州府同知

尼山誕聖自鄴叔禱有廟必先意食其報聚奎之應

肇自

先生儲靈毓秀龍身崢嶸篤生元公超悟絕世默契
真詮大埽群竊三才之奧平聖之根玄而報祕一為
入門遂令魯鄒昭於日月統緒所垂永存擇筏功在
斯道允矣豐隆得于其子即如其躬譬彼有源洪流
湔湔生平善政孰與茲匹昔在永嘉請闢專祠並崇
所生胡乃獨遺論定于今登從啓聖闕典始完文明
之慶剛仰懷光霽幸遊其鄉恭逢懿舉遠邇前芳郡
廟有嚴敬安新主言念發祥柏森遺宇復即其地寄
奠溪毛克昌之靈尚佑譽髦

議春秋丁特祀諫議公祠

河海瀾瀾源出崑崙崙峯桐陰霽霽瞻彼鄧林於惟我
公宋室諫議篤生濂溪於道默契圖書左右風月
今古下衍關闕上承鄒魯別歷中外無間勞動洗
寃澤物體立用行是父是子有功萬世今茲特祀
禮起以義言念發祥啟我斯文廟貌有赫俎豆維
新